

ՄԵՐ ՀԵՂԻՆԱԿՆԵՐԸ ՄԱՍՈՒԼՈՒՄ
(խմբագրության խմբագրմամբ)

ԲՐՈՒՏՅԱՆ ԳԵՈՐԳ. «ԱՄԵՆ ԻՆՉԻ ՄԱՍԻՆ ԻՄԱՆԱԼ ՔԻՉ-ՔԻՉ,
ՔՉԻ ՄԱՍԻՆ՝ ԱՄԵՆ ԻՆՉ»

«Միրէ՛ք այն բնագավառը, որտեղ պատ-
րաստվում էք գիտական աշխատանք ծավա-
լել», - այս խորհրդով սկսեց իր դասախո-
սությունը Խաչատուր Աբովյանի անվան
հայկական պետական մանկավարժական
համալսարանին առընթեր Մետափիլիսո-
փայության, փոխակերպման տրամաբանու-
թյան և փաստարկման տեսության միջազ-
գային հետազոտական ինստիտուտի տնօ-
րեն, ՀՀ ԳԱԱ ակադեմիկոս Գեորգ Բրուտյա-
նը:

Սկզբնական կրթության ֆակուլտետի
ուսանողական գիտական ընկերության կազ-
մակերպած «Ինչպե՞ս գրել գիտական աշխա-
տանք» գիտագործնական սեմինարի ընթաց-
քում Ակադեմիկոսն անդրադարձավ գիտա-
հետաոտական աշխատանքի առանցքային
խնդիրներին՝ կարևորելով առաջին հերթին
թեմայի ճիշտ ընտրությունը. «Պատրաստի
թեմայով գիտական աշխատանք գրելն,
ասես, այն ամուսնություններից է, երբ աղ-
ջիկն ամուսնանում է առանց փեսացուին
նախապես տեսնելու»:

«Ես միշտ անում եմ այն, ինչ հավանում
եմ, բայց միշտ չէ, որ հավանում եմ այն, ինչ
անում եմ», - մեջբերելով իր նշանաբանը՝ փի-
լիսոփան զգուշացնում է, որ գիտական աշ-
խատանքը ավարտելուց հետո այն չպետք է
անմիջապես հրատարակել. աշխատանքը
պետք է օտարանա և որոշ ժամանակ անց
քննադատվի հենց հեղինակի մոտեցումնե-
րով:

Գեորգ Բրուտյանը համաձայն է, որ գի-
տության մեջ յուրաքանչյուր նորություն
դժվարություն է առաջացնում, բայց և շտա-
պում է պնդել՝ «գիտական աշխատանք գրելը

բարդ պրոցես է, որը պետք է անցնել սիրով և
մեծ նվիրումով»:

Կենսաբանության, քիմիայի և աշխար-
հագրության ֆակուլտետի մագիստրատու-
րայի ուսանողուհի Անուշ Առաքելյանն ար-
դեն երեք գիտական հոդվածի հեղինակ է:
Դասախոսության ընթացքում ստացած տե-
ղեկատվությունը նա նոր գիտելիք համարեց.
«Մեզ համար մեծ պատիվ է Ակադեմիկոսի
դասախոսությանը մասնակցելը: Արդեն իսկ
մտապահել ենք անվանի փիլիսոփայի յու-
րաքանչյուր միտք ու խորհուրդ. դրանք կա-
րող են հաջողված գիտական աշխատանքի
երաշխիք լինել»:

Հանդիպման ավարտին Գեորգ Բրուտ-
յանը փորձեց սեփական օրինակով վարակել
երիտասարդներին և նրանց մղել գիտական
գործունեության. «Եթե գիտական աշխա-
տանք գրելու համար գրիչ էք վերցրել,
ուրեմն պարտավոր եք գրել»:

Գիտագործնական սեմինարները կլի-
նեն շարունակական: Առաջիկայում զեկույց-
ներով հանդես կգան դոցենտ Ս.Փիլոսյանը,
Լ.Պողոսյանը և ուրիշներ:

Շարքը կամփոփվի կլոր սեղանով, ուր
ուսանողները կքննարկեն իրենց ձեռքբե-
րումները՝ ներկայացնելով առաջարկու-
թյուններ հետագայում նոր սեմինարներ անց-
կացնելու կապակցությամբ:

Աղբյուրը՝ www.armspu.am

Քրիստինե Մելքոնյան

Խաչատուր Աբովյանի անվան
հայկական պետական մանկավարժական
համալսարանի պաշտոնական կայքի

լրագրող

18 մարտի, 2013